



UNIVERSITÄTS-
BIBLIOTHEK
PADERBORN

**Consti=||tvtionen In Di-||oecesana Synodo
Vvla-||dislaviensi**

Karnkowski, Stanisław

Colonię, 1572

VD16 W 4100

De Parochorum officio, & aliorum curam animarum habentium. Tit . XI.

[urn:nbn:de:hbz:466:1-62991](https://nbn-resolving.org/urn:nbn:de:hbz:466:1-62991)

N. spondeo, voueo, ac iuro, sic me
DEVS adiuuet, & hæc sancta Dei E-
uangelia.

Hoc autem fidei professionis iusu-
randum, verbis, vt supra conceptis,
dandum est genu vtroque flexo, &
manu dextera ad Euangeliorum co-
dicem admota. 23.

TITVLVS XI.

DE PAROCHORVM OFFICIO,
& aliorum curam animarum
habentium.

Parochis ea cura incumbit, vta-
gnoscant pecoris sui vultum, vt
ante oues vadant, eas vocent nomi-
natim: pascant in lætis & pinguibus
pascuis; proponant puram doctrinã,
ab omni errore & hæresi auertant:
nec permittant, vt in aliquam prauã
opinionem, à Dei verbo & Ecclesiæ
Catholicæ doctrina abhorrentem,
quod absit, incidant. quod minore
negocio præstabunt, si per se ipsos mu-
nere ipsi suo functi fuerint. valet e-
nim plurimum viua pastoris vox, &
altiùs in hominum mentibus figit
radices. Pouer. 17.
Ioan. 10.
Ezech. 34.

1. In prædicando Dei verbo & sacra scriptura explicanda, libris tantum Catholicis vtantur: omnes verò indice Romano prohibitos, & alios quoscunque suspectos prorsus abijciant.
2. De quibus autem iudicium difficile fuerit vel dubium, eos vel nobis, vel vicario nostro præsentēt: nec alios apud se retineant, nisi probatos, & à viris Catholicis, Latino vel populari sermone conscriptos: alioqui excommunicationem se incurrisse nouerint. Vt autem hac in parte iuari possint, dabitur à nobis opera, vt aliqua Postilla conscribatur materna gentis nostræ lingua, quæ complectatur doctrinam Catholicam: & qua explicentur Euangelia Dominicis festisque diebus in Ecclesia recitari consuetata.
3. Absoluta cōcione, clara voce orationē dominicā, salutationē angelicā & symbolū pronūtient: vt ea populus facilius ediscat, & memorię cōmēdet. Addent præterea Decalogi præcepta, in Aduentu præsertim & Quadragesima. Generalem Confessionem

nem nunquam prætermittent, sed ea recitanda præibunt populo, qui eos veluti duces, pronūtiando subsequetur, & humiliter à Deo peccatorum veniam postulabit.

Doccantur etiam fideles, quoties occasio se dederit, quid Missa sit, quæ & quanta mysteria contineat, quis etiam ex ea fructus ad auditores attentos redundet. Accendentur enim maiore tanti sacrificij amore, ubi vim eius & usum cognouerint. Sciant quæ ob rem frequenter celebretur in Ecclesia, & quid interea dum illam fieri vident, meditari debeant. Quod quia fuit hætenus neglectum, summum huius tremendi mysterij contemptum fuisse consequutum, passim non sine dolore cernimus: adeò, ut quamlibet ei quidam præsentis interfint, tamen prophanum aliquid, non rem sacræ & maximè diuinam agi putent, atq; ideò attentionem omnem in audiendo remittant, nec eius, qualem oporteret curam gerant: magis adeo mutuis sermonibus occupentur, nõ absq; aliorum scandalo, & animarum su-

5.

Sessi. 22. c.
8. in doctr.

6.

7.

arum iactura. Singulis etiam festis diebus, aliquid Parochi ex Cathedismo Romano, quem breui in Diocesim nostram importandū curabimus, populo proponant, de his rebus quas nosse omnium interest ad salutem, vt sciant quid amplectantur articuli fidei, quid contineat Decalogus; quid petant orationem Dominicam proferentes; quis Sacramentorum sit numerus, quę vis eorum ac potestas, quis item vsus, & quomodo fideles in illis suscipiēdis affectos esse oporteat. A prandio verò, pueros & familiam domesticam in templū conuocent, eosque in Christianæ fidei primis rudimentis instituant. Sic fiet, vt cum legem Dei cognouerint, non facile in eā peccando cōmittant. Multi enim etiam ex senioribus peccant ignorantia; suntq; eorum, quæ scire debent, prorsus rudes. Prius quàm verò populo Sacramenta impartiant, eorum vim & vsum, pro captu fidelium exponere debent, vt sciant quid suscipiant; & quem inde fructum referant. Erigantur eorum

9.
Sessi. 24.
cap. 4.

10.
Sessi. 24.
ca. 7.

rum mentes ad Deum, simul reuoluant animis bonitatem illius ineffabilem, qui hæc dona sua, ipforum salutis causa dedit hominibus, quibus si caruissent, difficulter peccatorum veniam consequi, & salutem obtinere potuissent. Quare agant gratias Deo, quòd his medijs eorum salutis prospexerit: ament ea velut præsentissima pharmaca, & eis crebrò vrantur, si vnum cum Deo esse velint, vt quidem velle, in eoq; maximè laborare debent.

II.

In administratione verò Sacramentorū, sequatur Agēdarū suarū præscriptum, nec ab illis vel latum vnguem discedant, nec vllas cæremónias prætermittant, quæ nō carent suis peculiaribus mysterijs: quarum contēptus non esset futurus absque graui peccato, modò absit necessitas.

12.

Illud autem prouideant, vt sacramenta omnia, reuerenter, summaque cum honestate administrent, mortali peccato quoàd eius fieri possit, vacui. Sint mūdi q̄ portāt vasa do-
mini, vasa gratiæ, vasa benignitatis
coele-

13.

Esa. 52.

14. cœlestis, ex quibus hauritur peccatorum venia, & confertur vita æterna. Mudent confessione præmissa conscientias suas, antequàm ad ea impartienda accedant. Nam sancta sanctè tractari debent. Cùm exorcisant vel Cathechisant infantes, cùm liniunt, cùm abluunt, cùm vngunt vel absoluunt, curent vt omnia & singula, quæ ad rem præsentem pertinent, non obiter, non præcipitanter, non veluti fugientes, sed grauiter & reuerenter faciant: vt populus eos religiosè agere videns, tangatur & ipse religione, magisque rapiatur in Sacramento-
- rum amorem.

(::)

CONSTITI-